



Aanniartailinirmut Nutaqqanut Hanaqitjutikhaq Maliguaqaqtughat Maliktakhauyullu

Tikittumayaat uumunga Aanniartailinirmut Nutaqqanut Hanaqitjutikhaq (HCI) ukuat aannairngittut nutaqqat angikliyuumiyut hakugiktumi, ikayuyuktunilu ilagiiktuni ikayuyuktuni nunallaami.

Una hanaqitjutikhaq ikayuutiginiaqtaait nunallaat piliurianginni ihuaqhiyuumilugitluuniit havaktauyakhat ukununga ilumiutautitlugit ukiunganut 6-mut nutaqqanut ilainullu pitjutikhaqaqlutik tunihilutik qilamik hatumiktuutikhanik havaktauyakhanik ikayuutikhaniklu havakvinit.

Ihuaqtumik, havakviit tamainni nunallaani havakatigiikniaqtut tunihilutik atauhiqmik uuktuutikhamik tamaannut nunallaamut. Naunaikniaqtaa una uuktuutaa pihimayug nunalaap piyumayainik pihimaittuni ikittunit nunallaamiutanit. Uuktuutit pikaktaaqut amigaitqiyaanit atauhiqmik havaktakhamik talvani ittunik.

Uuktuutit piniaqtaait tamainnit maniliyuittunit havakviknit katimayiuyunit naguuyumik malikhugit pivaktunik ukununga Nunavut Maligarnik Naunaiyaivik, katimayiit ukunatut Nunallaani Ilihaqtuliqiyiit Haamlitkullu, Nunavunmi Ilihariaakpaavik ilagiiktut aihimaviinnilu.

HCI-kut pikaktut malrukunik manikhanik – Nunallaani Hanaqitjutikhat unalu Ikayuqtit Nutaqqanik Havakvia.

- **Nunallaani Hanaqitjutikhat** tunihivaktut manikhanik ihuaqhiyuumutjutikhanut pivalliatjutinutluuniit uumunga nutarannuanik ilihalihaaliqtunut ilihaitjutikhat nutaqqanut 0-mit 6-mut ukiuqaqtunut ilainullu. Ukuat ilaunginnarialgit ilagiiktunut ikayuqhikviit, angayuqqaanguyunut katimapkaiyiit, hingaiyunut naguuyunik niriyaqhainut ikayuqtiit, angayuqqaat nutaqqallu katimayiit, hunavalungnullu.
- **Ikayuqtit Nutaqqanik Havakvia** tunihivaktut manikhanik inungmut pivlugit nutaqqanut angiyumik ikayuqtauyaghanut naunaikhimayunut ikayuutikhanut. Ilaunginnarialgit ikayuqtauyut nutaqqiqiviit, iqaiyainirmut, Ingutaaruhnirnikkut iqaihainiq, uqarikhiliqiyiit ikayuutikhallu, ikayuutikhallu nutaqqat iliharianginni nunallaami nutarannuanik ilihalihaaliqtunut ilihaitjutinut.

HCI-kut Maliguaqaqtughat

- Nutaqqanut ilumiutautitlugit ukiunganut 6-mut ukiuqaqtut ilainullu
- Ilagiiktut, angayuqqaat ilauyut ilihaitjutinut
- Pitquhirmut ihuaqtunik
- Atuqlugit hakugikyutaanut nutaqqamut, angayuqqaanut nunallaamullu
- Aatjikkiingittugit tadjja havaktauyanut, kihimi ihuaqhilugit

- Ilaupkaklugit havakviuyut
- Nunallaamit pihimayumik

Uuktuutit ukuninga pikaktughauyuq naunaitkutakhanik:

- Huna havaktaunahuaq? Naunaikpiaklugu.
- Kitkut ilauniaqqat havaktauyakhamut?
- Qanuq ihuaqhiutjutauniaqqa tadjia ittunut havakviinut havaktauyunullu?
- Kitut havakviit/katimayiit ilauniaqqat? Kina havakniaqqa uumunga havaktauyakhamut?
- Huuq havaktauyakhaq piyumayauva?
- Qanuq ilihimaniaqqit una havaktauyuq ihuaqtumik piyauyaakhaanut?
- Naunairiikhimayuuq maniit atugakhanut

Maliktakhat uumunga HCI-mut Uuktuutikhat

- Nunallaami hanaqitjutikhanut manikhat atuqtauyakhat havaktauyakhanut piyaunginnariakaktunut amihunit tahapkununga pihimayunut ilumiutauyunut uumunga 6-nik ukiuqaqtunut ilainullu.
- Ikayuqtauvikhat Havaviit manikhat pihimayut nutaqqamut aallanik naunaikhimayumik piyakhaayunut (titiraqhimayuuq Munaqhiliqivikmit piyauyumaniarungnaqhiyuq)
- Inirniqhat akiliuhiakhait – amigaitqiyaanut imaa \$75/ilainnaanut ublumut – pilugu uumunga hitamanut ikaaqnini
- Inirniqhat akiliuhiakhait – amigaitqiyaanut imaa \$150/atauhiqmut ublumut – amigaitqiyaanit hitamanut ikaaqnini
- Aulatjutinut akiligakhat – amigaitqiyaanut imaa 5 pusatmut
- Akiliuhiakhait Ilihaqtittiyinut/Tutqikhaiyinut – amigaitqiyaanut imaa \$25.00/ikaaqnimut
- Havaktimut ikayuutikhat – amigaitqiyaanut imaa 12 pusatmut

Naunairumagungni, uqaqvigilugu una Nutarannuanik Ilihalihaaliqtunut Havakti aviktuqhimavikni.

| | | | | |
|----------------|--|--|--|--|
| Kayumiktukkut: | Qikiqtani (867) 473-2695 | Iqaluit (867) 975-2517 | Kivallirmi (867) 645-2127 | Kitikmeotmi (867) 983-4025 |
| Hivayauta : | 1-833-930-3935 | 1-833-930-3938 | 1-833-930-3936 | 1-833-930-3937 |
| | ECOQikiqtani@gov.nu.ca | ECOIqaluit@gov.nu.ca | ECOKivalliq@gov.nu.ca | ECOKitikmeot@gov.nu.ca |